



**CONVENIO PARA CONCESIÓN DUNHA SUBVENCIÓN DIRECTA ENTRE A AXENCIA GALEGA DE DESENVOLVEMENTO RURAL E A ARQUIDIÓCESE DE SANTIAGO DE COMPOSTELA PARA O ACONDICIONAMENTO DA CUBERTA, FACHADA E PARÁMETROS INTERIORES DA IGREXA PARROQUIAL DE SANTA MARÍA NA PARROQUIA DE CARDAMA.**

Santiago de Compostela, 11 de decembro de 2023

**REUNIDOS**

Dunha parte, D. José González Vázquez, conselleiro do Medio Rural, en virtude do seu nomeamento polo Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia (DOG núm. 94, do 16 de maio), na súa condición de presidente da Axencia Galega de Desenvolvemento Rural, CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, Reverendo D. Carlos Camiño Lema, con DNI 79334909C, en virtude da representación otorgada o 5 de outubro de 2023 polo Arzobispado de Santiago de Compostela CIF R1500020A, na súa condición de párroco de Santa María de Cardama e responsable da mesma.

Ámbalas partes teñen plena capacidade para levar adiante este convenio e,

**EXPOÑEN**

**Primeiro.-** Que ambas entidades son conscientes da necesidade de favorecer as condicións e o entorno para a mellora da calidade de vida da poboación que permitan por un lado unha adecuada oferta no ámbito do ocio, o deporte, a cultura, e/ou sectores produtivos e permitan así mesmo unha boa gama de servizos básicos que permitan a mellora das condicións de sociabilización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.



**Segundo.-** Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia Galega de Desenvolvemento Rural quere promover e poñer en valor no ámbito rural galego o patrimonio histórico, a recuperación da terra agraria, a vida social, cultural e educativa, a contorna natural e os produtos agrolimentarios, xa que as actuacións sobre os ditos ámbitos contribúen a mellorar a calidade de vida e a cohesión a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

A Axencia Galega de Desenvolvemento Rural, no marco das súas competencias e dentro das súas accións estratéxicas, ven apoiando, mediante axudas directas a través de convenios, diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.

**Terceiro.-** Que a Igrexia Católica é titular do seu patrimonio histórico, artístico e documental que se pon ao servizo da sociedade, titularidade que, a tenor da Constitución Española e do Estatuto de Autonomía de Galicia e do resto da lexistación aplicable, a Xunta de Galicia recoñece, así como a súa natureza e finalidade relixiosa e uso relixioso dos mesmos que se desenvolve de forma compatible coa función cultural no ámbito rural que posúe o devandito patrimonio.

No caso que nos atopamos, a Arquidiocese de Santiago de Compostela é titular do ben que vai ser obxecto de intervención, un ben de natureza inmovible que posúe un valor cultural e patrimonial no ámbito rural no se que atopa e que é obxecto de protección ao ser considerado de interese relevante para a permanencia e a identidade da cultura rural galega a través do tempo.



**Cuarto.-** O 22 de setembro de 2023, tivo entrada nesta axencia, unha solicitude de colaboración, xunto cunha memoria técnica valorada, para o financiamento dun proxecto de acondicionamento da cuberta, fachada e parámetros interiores da igrexa parroquial de Santa María da parroquia de Cardama.

A igrexa de Santa María da parroquia de Cardama, de estilo barroco, data do século XVIII, cunha estrutura de planta de cruz latina. Está construída en granito, recuberta en branco e con cuberta de tella a dúas augas.

Situada no ámbito rural trátase dunha edificación que comporta acondicionamento da cuberta da Igrexa situada no Lugar de Pedredo necesaria para a continuidade dos valores sociais, relixiosos e culturais que se están levando a cabo no lugar e que potencia os elementos que recuperen ou manteñan a historia e a memoria da comarca e satisface as necesidades e aspiracións da veciñanza.

A súa ubicación cercana ao centro social da citada parroquia facilita a relación veciñal na preservación dos valores sociais no medio rural. Isto incentiva a necesidade que ten a axencia en potenciar a recuperación dos elementos do patrimonio histórico que manteñan a historia da comarca nese nexos de encontro veciñal entre os dous espazos mobilizando o rural e evitando a despoboación.

Trátase dun espazo de encontro relixioso, espiritual, cultural e social dos veciños da parroquia de Cardama.

**Quinto.-** De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrència pública para a realización desta actuación. Neste caso o proxecto presentado radica na necesidade de atender áreas específicas da comarca que se materializa na realización de obras de mellora, reforma e reparación de infraestruturas e instalacións a satisfacer as necesidades da veciñanza.

Debido ao carácter puntual ou ocasional deste tipo de apoio e á vista das características concretas das actuacións previstas, non parece adecuado articular estas axudas a través dunha convocatoria pública, sendo a subvención directa a través de convenio a fórmula que máis se adapta á natureza destas axudas.

En concreto, en relación ao proxecto de que se trata, as razóns que xustifican o interese social e público que dificultan a promoción da concorrència pública e a seguinte: a continuidade das actividades relixiosas, culturais e sociais está condicionada ao mantemento dos lugares nos que se realizan nun bo estado de conservación, polo que a restauración igrexa parroquial de Santa María da parroquia de Cardama resulta de vital importancia para garantir esta condición.

Todas estas actuacións redundarán na mellora e condicións de uso e goce do mesmo co fin de destinalos a un uso público, cultural e social compatible cos seus elementos así como o mantemento da poboación no ámbito rural, fortalecenzo a presenza e dinamización do mesmo.

Neste caso a memoria técnica, propón o acondicionamento da cuberta, fachada e parámetros interiores da igrexa parroquial de Santa María da parroquia de Cardama. A singularidade do proxecto reside no mantemento deste patrimonio histórico ao que asisten os veciños da comarca incentivando a mobilización de terras no rural o



garantir a continuidade dos servizos dos que veñen dispoñendo e disfrutando os veciños nese entorno rural.

Polo exposto, o proxecto presentado para o acondicionamento da cuberta, fachada e parámetros interiores da igrexa parroquial de Santa María da parroquia de Cardama, cumpre cos criterios obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

En consecuencia, as partes, asinan este convenio para a concesión dunha subvención directa, de acordo coas seguintes

## CLÁUSULAS

### PRIMEIRA.- Obxecto

O obxecto do presente convenio é o acondicionamento da cuberta, fachada e parámetros interiores da igrexa parroquial de Santa María da parroquia de Cardama. Estamos ante obras de conservación e mantemento destinadas ao acondicionamento da cuberta, fachada e interior da edificación.

### SEGUNDA.- Actuacións a realizar

As actuacións a realizar correspóndense co acondicionamento da cuberta da Igrexa situada no Lugar de Pedredo, parcela 1231.

- ✓ Retirada de tella e tres placas de fibrocemento existentes deterioradas, substituíndoas por nova teza curva vermella do país para colocar sobre ferros de fibrocemento existentes e as que sexa necesario repoñer.
- ✓ Aplicación de pintura ao silicato tanto no interior como no exterior do edificio, previa limpeza do soporte existente.
- ✓ Substitución da porta de acceso de madeira, así como a reparación do campanario mediante limpeza e posterior encintado de xuntas da pedra que o compón.
- ✓ Picado do revestimento interior da cúpula da Sancristía para posterior aplicación de revestimento con morteiro bastardo de cal-cemento-areia.
- ✓ Medidas de seguridade no espazo de traballo para salvagardar a integridade dos operarios así como dos usuarios do edificio.

Os traballos para efectuar, non afectarán os elementos estruturais, nin ás superficies construídas do edificio, manténdose os parámetros de ocupación e edificabilidade existentes.

Ao abeiro do presente convenio considéranse actuacións subvencionables os investimentos e gastos realizados polo beneficiario que se detallan no Anexo I



“Orzamento xeral, descrición das obras e xustificación dos prezos” de este convenio e cumpran as condicións que se detallan na memoria presentada.

### **TERCEIRA.- Obrigas da Arquidiocese de Santiago de Compostela**

A Arquidiocese de Santiago de Compostela comprométense a facer constar en toda a publicidade -tanto impresa como audiovisual- a colaboración da Axencia e a Xunta de Galicia, para o que utilizará a normativa da imaxe corporativa da propia da Axencia. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

O beneficiario deberá dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmos, o beneficiario ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

Para proceder á sinatura do convenio e despois para o seu pagamento a Arquidiocese de Santiago de Compostela deberá presentar declaración responsable ou as certificacións acreditativas, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.

A sinatura deste convenio implica, de ser o caso, a autorización a Axencia para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

A Arquidiocese de Santiago de Compostela comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. A Axencia



poderá comprobar, cando o considere pertinente, a execución das actividades obxecto deste convenio.

#### CUARTA.- Financiamento

O gasto total das actuacións do proxecto para o "Acondicionamento da cuberta, fachada e parámetros interiores da igrexa parroquial de Santa María da parroquia de Cardama", a desenvolver polo beneficiario no marco deste convenio, ascende a corenta e catro mil oitocentos noventa e un euros con noventa céntimos (44.891,90 €), para o ano 2023.

Deste importe, a Axencia achegará, con cargo á aplicación orzamentaria 14.A1.712A.781 dos orzamentos xerais da Comunidade Autónoma de Galicia para o ano 2023, código de proxecto 2017-00004.-"Mobilización de terras no contorno rural" TRINTA E NOVE MIL TRESCENTOS DOUS EUROS CON SETENTA E UN CÉNTIMOS (39.302,71 €) que irán destinados á consecución dos obxectivos fixados, segundo os conceptos de gasto expostos no citado Anexo I, cuxa distribución será a seguinte:

En canto ao resto do importe, será asumido pola Arquidiocese de Santiago de Compostela, CINCO MIL CINCOCENTOS OITENTA E NOVE EUROS CON DEZANOVE CÉNTIMOS (5.589,19 €), como contribución propia aos obxectivos do convenio, segundo se detalla no Anexo I.

ANUALIDADE	AXENCIA GALEGA DE DESENVOLVEMENTO RURAL	ARQUIDIÓCESE DE SANTIAGO DE COMPOSTELA
2023	39.302,71 €	5.589,19 €
<b>TOTAL</b>	<b>44.891,90 €</b>	

Para o desenvolvemento desas actuacións, a Axencia Galega de Desenvolvemento Rural concede unha subvención directa a fondo perdido por un importe 39.302,71 euros para a anualidade 2023.

A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2023, a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.

Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.



Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do artigo 63 do Decreto 11/2009, do 8 de xaneiro, polo que se aproba o Regulamento da Lei 9/2007, de subvencións de Galicia, a Axencia poderá efectuar pagos anticipados, que suporán a entrega de fondos con carácter previo á xustificación, naqueles casos en que o investimento esixa pagamentos inmediatos ata un importe máximo do 50% da cantidade total subvencionada. Este anticipo non poderá superar o importe previsto para cada exercicio orzamentario. A concesión do anticipo farase mediante resolución motivada.

O pagamento restante realizarase no momento da completa xustificación do cumprimento da finalidade e demais condicións establecidas no convenio.

O beneficiario poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 31.442,17 €.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que o beneficiario están obrigado á constitución de garantías cando estea prevista a posibilidade de realizar pagamentos á conta ou anticipados.

O réxime de garantías será o previsto nos apartados 2 e 3 do artigo 67 do citado Decreto 11/2009. En consecuencia, a garantía constituirase mediante seguro de caución prestado por entidade aseguradora ou mediante aval solidario de entidade de crédito ou sociedade de garantía recíproca que deberá alcanzar como mínimo ata os dous meses seguintes á finalización do prazo de xustificación previsto no convenio. A garantía deberá cubrir o 110% do importe das cantidades aboadas á conta ou das cantidades anticipadas.

No caso de que soliciten pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.



#### QUINTA.- Xustificación dos gastos

O beneficiario xustificará ante a Axencia Galega de Desenvolvemento Rural a realización das actuacións previstas no proxecto que inclúe a memoria técnica valorada.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño.

De conformidade co previsto na Lei 9/2007, de subvencións de Galicia o prazo de execución e xustificación rematará o 15.12.2023 sen prexuízo de que as actividades subvencionadas sexan as executadas a partires do 01 de xaneiro de 2023.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.

A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>, e incluírá a seguinte documentación:

- Certificación expedida pola Secretaría da entidade co visto e prace da persoa titular da entidade, relativa á aprobación polo órgano competente da conta xustificativa da subvención, na que se faga constar de forma detallada:
  - O cumprimento da finalidade da subvención.
  - Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acreedor/a, número de factura ou documento equivalente, importe, data de emisión e data de recoñecemento da obriga polo órgano competente.
- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.
- Facturas expedidas polas empresas adxudicatarias dos traballos relacionados co obxecto deste convenio achegando xunto coas mesmas o comprobante de pago



efectuado e certificacións ou calquera outro documento con validez xurídica que permita a acreditación do cumprimento da finalidade da subvención.

- Declaración que conteña unha relación detallada doutras subvenciones, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Permisos, licenzas e autorizacións que resulten preceptivos segundo a lexislación vixente.
- Acta de recepción.
- Aclaracións ou informes relativos á xustificación do investimento que o órgano xestor considere convenientes.

A presentación desta información é requisito imprescindible para a tramitación do pagamento, e devolverase toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia (modificado pola Lei 12/2011, do 26 de decembro, de medidas fiscais e administrativas).

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, de 13 de xuño, de Subvencións de Galicia e na Lei 9/2017, de 8 de novembro, de contratos do sector público.

No caso de que o beneficiario non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

#### **SEXTA.- Compromiso de participación das mulleres.**

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

#### **SÉTIMA.- Causas de resolución**

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando concorra algunha das causas previstas no artigo 33 da Lei 9/2007, de 13 de xuño, de subvencións de Galicia.



#### **OITAVA.- Publicidade**

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Arquidiocese de Santiago de Compostela acepta e consente a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

#### **NOVENA.- Xurisdición**

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

Así mesmo será de aplicación a Lei 40/2015, do 1 de outubro, de réxime xurídico do sector público.

A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.



#### **DÉCIMA.- Vixencia**

O período de vixencia deste convenio será dende a súa sinatura e ata o 15 de decembro de 2023, sen prexuízo de que as actividades subvencionadas sexan as executadas a partires do 01 de xaneiro de 2023.

#### **DECIMO PRIMEIRA.- Comisión de seguimento**

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado pola Arquidiocese de Santiago de Compostela e un representante designado pola Axencia Galega de Desenvolvemento Rural.



## DECIMO SEGUNDA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E en proba de conformidade de canto antecede, asinan o presente documento no lugar e data arriba indicado.

Presidente da Axencia Galega  
de Desenvolvemento Rural  
(P.D. Acordo do Consello de Dirección do  
21.07.2021)

José González Vázquez



Párroco de Santa María de  
Cardama

Reverendo Carlos Camiño Lema



ANEXO I

Orzamento xeral, descrición das obras e xustificación dos prezos

- Orzamento xeral

CAPÍTULO	ACTIVIDADE	PORCENTAXE	ORZAMENTO
CAP_01	ACTUACIÓNS PREVIAS	5,02	1.864,30 €
CAP_02	ALBANELERÍA	40,50	15.024,60 €
CAP_03	CARPINTERÍA DE MADEIRA	7,16	2.654,64 €
CAP_04	PINTURAS	33,94	12.591,84 €
CAP_05	XESTIÓN DE RESIDUOS	4,61	1.710,24 €
CAP_06	CONTROL DE CALIDADE, SEGURIDADE E SAÚDE	8,77	3.255,12 €
<b>Presuposto de execución material</b>			<b>37.100,74 €</b>
21% I.V.E			7.791,16 €
<b>Total orzamento xeral</b>			<b>44.891,90 €</b>

- Descrición das obras e xustificación dos prezos

**1.- Capítulo CAP01. ACTUACIÓNS PREVIAS**

- Levantado de tella existente. Inclúese retirada de entullos a pé de carga, con transporte á entulleira e con p.p. de medios auxiliares.  
Cuberta.  
Cantidade.....226,80  
Prezo.....8,22 €  
Importe..... 1.864,30 €

**2.- Capítulo CAP-02. ALBANELERÍA**

- Sustitución de ferros de fibrocemento existentes , i/p.p. de pezas especiais, caballetes e limas, medios auxiliares e elementos de seguridade. Pezas fibrocemento  
Cantidade.....3,00  
Prezo.....21,14 €  
Importe..... 63,42 €



*Carla Capriño Lema*

- Cuberta de tella cerámica curva, colocada sobre soporte existente de fibrocemento, incluso p.p. de pezas especiais, caballetes, limatesas e medios auxiliares, s/NTE-QTT-11.

- |               |            |
|---------------|------------|
| Cantidad..... | 226,80     |
| Prezo.....    | 36,41 €    |
| Importe.....  | 8.257,79 € |

- Cumbreira de tella cerámica de 43x26x9,5 cm. en cor vermella, recibida con espuma de poliuretano e ganchos de aceiro inoxidable, e colocada de tal forma que permita a de ventilación da cuberta a través do espazo entre as canles e as tellas acubillas laterais, i/pp de solapes e recortes, s/NTE-QTT. Medida en verdadeira magnitude colocada.

- |               |            |
|---------------|------------|
| Cantidad..... | 25,20      |
| Prezo.....    | 39,94 €    |
| Importe.....  | 1.006,49 € |

- Picado e limpeza de cúpula de San Cristía e posterior revestimento con morteiro bastardo (cal+cemento+area), previa aplicación de ponte de unión mediante resinas, s/NTE-RPE-5. Limpeza e revestimento de cúpula

- |               |            |
|---------------|------------|
| Cantidad..... | 1,00       |
| Prezo.....    | 3.817,51 € |
| Importe.....  | 3.817,51 € |

- Limpeza de cachotería ordinaria de pedra de granito de campanario, i/rejuntado e limpeza da mesma. Reparación campanario

- |               |            |
|---------------|------------|
| Cantidad..... | 1,00       |
| Prezo.....    | 1.879,39 € |
| Importe.....  | 1.879,39 € |

### 3.- Capítulo CAP-03. CARPINTERÍA DE MADEIRA


- Porta de entrada feita a medida igual a existente, de cuarterones ou lisa en madeira de primeira calidade, en madeira de iroko, para posterior pintado ou vernizado. Con 6 bisagras de ferro latonado e fechadura de seguridade dun punto de embutir Tesa ó similar. Totalmente montada, mesmo en p.p. de medios auxiliares.

- |               |            |
|---------------|------------|
| Porta entrada |            |
| Cantidad..... | 1,00       |
| Prezo.....    | 2.654,64 € |
| Importe.....  | 2.654,64 € |

### 4.- Capítulo CAP-04. PINTURAS






- 
- Pintura ao silicato en interiores, cunha man de imprimación e dúas mans de acabado i/limpeza de superficies e acabado. Pintura interior  
Cantidade.....460,00  
Prezo.....11,51 €  
Importe..... 5.294,60 €
  - Pintura ao silicato en exteriores, con dúas mans, i/limpeza de superficies e acabado. Fachadas  
Cantidade.....396,00  
Prezo.....16,44 €  
Importe.....6.510,24 €
  - Pintura mineral para fachadas, a base de silicato potásico, ALPHA SETALIET de SIKKENS (cumpre norma DIN 18363 Pfo.2.4.1) lisa, mate total, de alta opacidade e alta permeabilidade á auga e vapor de auga. Zócalo perimetral  
Cantidade.....1,00  
Prezo.....787,00 €  
Importe.....787,00 €

#### 5.- Capítulo CAP-05. XESTIÓN DE RESIDUOS

- Xestión de residuos xerados, segundo normativa vixente.  
Cantidade.....488,64  
Prezo.....3,50 €  
Importe.....1.710,24 €

#### 6.- Capítulo CAP-06. CONTROL DE CALIDADE, SEGURIDADE E SAÚDE

- 
- Montaxe, desmonte, transporte e alugueiro en obra (30 días), de estada metálica tubular homologado necesario, para traballos ata 8 m de altura, i/malla de protección de tecido sintético, execución de apoios, arriostramiento do conxunto e p.p. de custos indirectos. Estada europea  
Cantidade.....1,00  
Prezo..... 3.107,12 €  
Importe..... 3.107,12 €
  - Rede vertical de seguridade necesaria de malla de poliamida de 7x7 cm. de paso, enudada con corda de D=3 mm. en módulos de 10x5 m. mesmo pescante metálico tipo forza de 8,00x2,00 m. en tubo de 80x40x1,5 mm. colocados cada 4,50 m., soporte mordaza (amortizable en 20 usos) ancoraxes de rede, cordas de unión e rede (amortizable en 10 usos) mesmo colocación e desmonte en primeira posta. s/ R.D.  
Cantidade.....1,00



Prezo.....100,00 €  
Importe.....100,00 €

- Casco de seguridade con arnés de adaptación, homologado. Certificado CE. s/ R.D. 773/97.

Cantidade.....2,00  
Prezo.....6,00 €  
Importe.....12,00 €

- Lentes antipolvo antiempañables, panorámicas, (amortizables en 3 usos). Certificado CE. s/ R.D. 773/97.

Cantidade.....2,00  
Prezo.....6,00 €  
Importe.....12,00 €

- Arnés de seguridade con amarre dorsal e torsal fabricado con cinta de nylon de 45 mm e elementos metálicos de aceiro inoxidable. Homologado CE. Arnés

Cantidade.....2,00  
Prezo.....12,00 €  
Importe.....24,00 €

